

集部

欽定四庫全書 東里續集卷六

詳校官檢討臣羅國俊 中書臣劉源溥覆勘

校對官中書臣范 總校官進士臣楊懋珩 謄録監生 都世俊

てこうう こう 物故富貴貧賤惠 はははい 明明 WARRY. がなる。 東里續集 胡士璉先生致事詩序 來一無足以動其中無所往 為子得乎親為臣得乎君處 諸行皆天理之公而不累於 服表物而物化惟其不累於 楊士奇 撰

| 郵定四庫全書 萬里邊徼跋涉獻月夷險一心泊馬休馬所至其士服 義命之外入仕至今四十六七年歷州郡長外憲驅馳 之士天官柳雅知先生將奏而進用之先生春秋時七 而已先生其有誠者數聖明在上樂得老成重厚端潔 之其民戴之未知由於善者化之聖賢論感人之道誠 其今之君子者與先生家於儒平居素守不求一毫於 亦必造乎此而後可以為君子觀於清江胡士建先生 而弗得馬古之君子達乎道皆能於此後之欲學古人

意易曰介于石不終日先生之謂哉於是朝之學士大 **致定四車全書** 端嗟乎余愧先生多矣尚奚言書聞玉之所藏其山川 十餘以老病固辭遂命致仕歸先生悠然川泳雲飛之 余初至北京解翰林之職為春坊公務甚簡所居城西 草木咸被光潤清江碧嶂之間将必有占光氣之復還 夫相率分題賦詩送之而太子少保金公屬余言弁簡 者乎吾又以為其鄉之人之質也詩凡若干篇 贈周用珍詩序 東里給係

户静處不與俗接其意氣放曠脩然如林野人而清尚 與用珍言灑然相得也仁宗皇帝既嗣位余後入翰林 言依於禮其才盖適於用尤善說醫理娓娓有造請余 余十里而稍暇輕見過用珍聞疏恭慎有務尚之志其 也吴中周用珍時以善書授官選在中松所居城東距 之士無所養乎外者時過余譚論久之余亦欣然不厭 僻遠陆卷中達官貴人車輪馬跡之所不及每朝退閉 至于今職務日殷旦暮在公雖於用珍居舍蓝題而晤

近而欲盡其職而無作斯亦難矣用珍內而得於其親 而在位者也聖人宣徒為自無以立訓哉誠以事雖至 日出則事公卿入則事父兄又以謂何有於我公卿賢 用珍之有諸躬其何以得此於當世賢卿大夫哉孔子 江金先生及縉紳君子之素重用珍者皆為詩送之非 也一日請於朝歸省馬太子火傅建安楊先生火保臨 珍念其親南北相隔數千里定省曠遠不能以朝夕寧 聚益珠矣用珍父母俱在喜其子之效用於時也然用

飲定四車全書一人

東里續集

什之首 陳氏余外家孟旦海桑先生之孫太華先生之子於余 特異諸兄諸兄今皆謝世獨孟旦在而有子與孫駸駸 其歸也余亦不能無言故書其所為可重者以冠諸篇 外而得於賢卿大夫其可為有誠也殆孔子之所予哉 幼少余十有六歲初入小學也當從余里塾警敢清重 為第余少從學海桑先生側其諸孫多同筆砚孟旦最 送陳孟旦赴江陰教諭詩序

とこりるという 弗墜殆黃文節公所云中和之氣萃於此一枝即孟旦 有子及孫然詩書之習無聞獨孟旦父子克紹其先而 非後少壯時然則余曷為不衰且老哉其諸兄雖今皆 馬盡為師之道將其學者有成豈下西昌也孟旦勉之 江陰三吴文物之邦太伯延陵高風之所被者遠矣往 焯與觀今之佐教如孟旦者寡矣今考最性江陰教諭 又念陳氏之先詩書科目之榮達自宋追令累累不乏 明六義之學西昌邑大夫聘佐教事所造就學者成績 東里續非

夫天於為善之應必不爽也修於身應於天如執陽燈 拜進士推官翰林余揆造物者之報施其将在此而不 表表名鄉郡而宦達未盛有聞往年益潔孟京皆以己 者書余之所望者為之序 以俟馬可也孟旦勉之詞林學士君子有賦詩贈之行 求人無弗得者顧在天者有人速之異耳惟致力德義 及展其分寸相繼皆沒盖余竊悲其命也尚惟孟旦在 也而吾外祖一派自其高曾以來組仁施義雄文與學

多定四年五章

臨江郭門貞為南京刑部主事九年考最陛郎中後之 送郭閌貞詩序

北京而南京所治惟應天一郡其政務視昔裁千百之 守出言率由夫理盖篤實士也今外百司之務皆上計 南京刑部門員為人温厚簡靜不為氣勢崖岸而有執 一公庭清虚吏牘簡静謁貞之官可謂稱其資也吾

其福固安静和平之行有以承籍之數被有需一命 識鼎貞於太學於秋官將二十年其展坦如一日此

久とり日から

東里續張

善縣里人之在京師者皆為之喜盖令者古子男之爵 幾鼎貞之為豈不可以免哉吾聞鼎貞淦故家世積厚 里至蕭仲敬有司以材舉於朝歷事夏官嚴餘權令歸 中蕭連哲以屬余序余固重問真亦因有所警馬 徳固其來也遠乎士君子相率賦詩贈爲貞行而給事 世曾不幾日而遂債覆者使其少知以德義自裁以庶 「官傲然自得而竊威福之柄磨淬鋒利欲以畏懾」 贈蕭生序

金月四五百十

其身跼蹐丞尉盖望今之位而不能至馬者矣仲敬一 官之臨乎其上命使過客之出入其境出內聽斷薄書 出而遂得之固各有命數令亦難為也矣凡百里之內 而失其所或困於横逆而不獲安或丧其良心而陷於 而百里之宰也古之君子有博學惇德懷負利跪而然 刑碎亦皆發諸我者於道有所未盡也况又有大府尊 民之休戚善惡皆於我乎致也有一人馬或淪於凍餒 くれしつう とんう 期會之紛然雜出於前事之皆欲盡其禮為之皆欲盡 東里續集

一到好四月至言 善燕文忠公過化之地也其嘉言懿行邑人耆老有能 言者矣禮其賢者而訪之宜有益馬母徒自足乎已也 古之為及尉猶必務盡其職而况令之所係者重乎歸 其誠也一有所未盡毀與敗且及之矣令豈易能者乎 命致其事歸四十強仕七十致事古之制也蓋用之於 吾友郭彦鉉先生歷官將三十年今年七十且病朝廷 余 既喜仲敬得官又欲其宜於官也書此以贈其行云 送郭先生詩序

次年四年全事 東里崎県 義之無盡也聖天子於敬德優老尤隆恩意臨御以來! 士大夫耄疾者率得請而去既適所願欲歡喜舞抃以 數有疾疾死喪之嬰子心居恒鬱鬱乃今遂釋而去歸 漢如也先生既戚其教之不易入又其家之來順德者 最世教諭安吉又三考用最世教授順德在順德四年 為衰老之幸先生年剛四十始出分教鄉校歷三考用 道明徳立之後而佚之於精力衰疲之餘先王待賢仁 其習俗樣恆人不知重士士不知傳學道德禮樂之意

或出或處動累歲不一聞問今忽忽四十年向之十數 此終其身無憾也後十餘年各東西散去不能得如意 自足無務外之意睨脈流俗人不直草芥盖共相謂以 之謂余當序之余竊念重冠時與先生者十數人為莫 雅者亦皆為之喜翰林侍讀學士王君直相率為詩送 于鄉其為喜幸何啻什百常情哉凡於先生有游從之 人者淪謝殆盡獨吾兩人在又皆有官守而南望鄉國 逆友里卷旦暮相聚講學道論古今為文章好嬉陶然

久三丁豆 小丁 於六七十里外盖其心未當不倦惨也今幸遭里明而 放其志意於山水雲林之間盛哉乎其遅莫之適也然 士奇以恩遇隆厚義不得顧其私先生獨返初服以遂 璽伸致事歸盖特恩也禮曰大夫七十而致事疏曰七 禮部侍郎有恒先生高客儀公今年八十上憫其老賜 山有玉馬則草木嚴石皆將增其光潤孔子稱子賤必 本於魯之君子先生之歸吾又以為鄉人後進喜矣 送禮部侍即儀公致事序 東里橋集

先生雖不得以七十之年謝事而璽書之褒極其優老 中九又陛湖廣布政入為禮部侍郎奉詔授皇太孫經 然有未及七十而衰病不任者亦聽解職盖憫下之仁 重徳之意先生何自而得此哉有恒者其齊居之名先 之政也先生起自學官當為寶慶知府陸通政兼春坊 也有踰七十而不聽去者好德之義也仁義兼盡罪人 十有徳君不許我國家法古制治優老敬賢者于今甲 儒曰貞而不已之謂恒此非先生之德歟先生天禀淳

為表裏洞達而直該之節剛方之氣端實之行自少壯 人とりらんはり 者皆曰得賢師資以為政則民皆曰得賢父母在朝廷 致仕也孜孜忠君爱國之誠未當已於言馬推先生貞 子其身雖退而心未當一日忘君故富文忠超清獻之 年然後得去也今歸榮鄉邦撫其曾孫消搖山水之間 至老如一日豈非貞而不己者乎故所至以為教則學 而沒膺康寧和平之福古人所謂超然者也然古之君 則衆皆曰此賢輔弼也是宜其得乎上而必踰八十之 東里續集

金万四四百十 第一吾色曾鶴齡第二又選可以為校官者三百人既 幾三千人余奉命主文衡凡得士二百人而閩人陳中 為學能自知不足而反求諸已不累乎外此賢人君子 為榮歸之祝 而不已之心將必有同於此哉先生常屬余記有恒齊 之事也世固不多見馬今年春天下貢士會試京師者 而未有以後也故述其躬行所得及所以名齊之古以 送劉鼎序

一而二百人入對大廷上親推鶴齡第一於是公卿大夫 えこうう Act All 東里新集 執見余恭然其儀怡然其容無幾微不得之意余主文 敬劉陽郭紹寧王鉞不與五百人之數四人者皆以父 皆欣喜慶告曰天下之大公也而吾邑就試之士惟羅 方愧失士而合辭謝曰生之業未至不能处夫明有司 色其視世之有小失軟條沮忿怨畜於中形於外者霄 壞矣夫人一得一失皆有命惟知道者安乎命馬耳今 之公幸獲退而學馬受賜侈矣已而數過余求益無倦

金好四月石丁 求乎中不累乎外如爲之四人者其所存謂非特出可 吾邑之士得於命者可謂特出矣其未得於命而能反 愚村翁忠厚恂怕於鄉黨之間諸孫多讀書業儒成渙 皆明經推第今成為河南按察食事沒為兵科給事中 乎敬接例入太學而罪三人者皆歸吾少識民之大父 將繼令而起者非爲乎固本其大父之積數其大母今 年八十餘康寧和豫而爲二親具慶兄弟怡怡歸而樂 天倫之樂益求諸已進進而不已所造話可量哉爲父

歌定四軍全書 一页 仲高吾童弁與之同學相别二十餘年矣故於爲既喜 望於他日云 其能持出於流俗又喜故人之有子也特贈以言且期 年詢禮部儀制主事今滿一考盖年七十有二美奉命 法中洪武中以樂舞生奉送京師十餘年握為山川祠 廬陵葛氏世儒家皆有科名於宋清隱自少寄跡老子 祭署奉祀又十年皇上龍飛之初陛太常寺丞又十六 送葛主事還鄉詩序 東里衛集

度相事嚴恭對越雖逼且公末必躬滋潔之詩云 坐詠道德經南華篇不與俗人接翛然自得也而名儒 致仕歸清隱為人温學篤實不茍其行居常閉戶焚香 無春者矣今歸荣於鄉瞻桑梓而致敬樂山川之仍舊 濟濟多士東文之德對越在天駿奔走在廟清隱可謂 乎節文數度之詳嚴國家有事天地宗社百神清隠東 碩士方聞博雅之流相好而過之者或留寓至累月而 不厭非清尚不群者數其治職事也明於典常之故達

之自然豈非盛福敏非自其脩諸躬者得之乎於是大 忘機鷗鳥之群游趣烟霞之表遺際名於外物順天和 簡重其儀矩整肅盖未當以一毫之微而妄取敏其家 泰和余猶及識水中於士君子問其意度問雅其詞氣 以故官舉又積三仕而至泰和淘金驛丞官滿遂留家 夫士有賦詩榮其歸者余為叙諸簡首 元太學生山西賀永中積三仕而至正平縣尹既內附 贈太學賀生序 東里衛集

一多定四雄全書 學舍未備郡縣學生貢至者日益衆禮部奏請以南籍 學必有師今司業吴先生吾嘗同為史官其爲行勁操 文辭可以資進取致顯榮傳德行者顧獨不可即古之 之曰世所謂學者文辭而已求其力學躬行無幾也工 · 遠去敬獨曰吾求進於學耳怡然以行余聞而韙之告 者分處南京國學部可於是諸生之急於仕者多不樂 孫也秀題務學自縣學生陞國學瑜年矣時初建北京 人脩天爵而人爵至故學貴先本而後末敏往弱哉為

道義而樂於教人而今皆子之師也往馬親灸於朝夕 毅然如咸寒松柏之不變助教歐陽先生與吾同邑而 而群居浸漬乎便安那群之說而陷於小人之行卒不 能確然不奪乎外故有遇端人正士則改顏從事及退 雜處其巧偽百出可以項列致重貨中人以下之心豈 躍然則又告之日本也京師者勢利之所聚四方之人 之間涵濡於歲月之久子惡得乎無進也敏聞余言喜 火相講學其為人温然方正而坦亮兩人者其言皆本 東里續集

|欽定匹庫全書 自省因併述其祖徳使圖無泰云 能以自拔者故於取友尤不可不慎弱哉敏也敏惕然 九人而蕭鈺三人者自言於吏部學未至未可以為人 其次三百人為副榜例授府州縣教官吾泰和中副榜 今歲禮部會試天下貢士三千人中選者二百人又選 起拜曰敢不列属以敬承先生之教請遂書於簡以時 師願卒業於太學吏部以聞詔從之居兩月禮部言太 贈蕭汝坠序

學生益衆學舍不能容請令當中鄉選者髮歸自進以 Kan Diet Kerting 者不知禮下之有能如汝堅之不自滿而求自進盖勘 乎汝堅勉之哉世之得一名者往往安於小成不復有 俟再試詔從之鈺行求余贈言余少於鈺久所耕居同 自進意甚者昧其固陋放言誓古人議前華遇賢而長 里卷入當小學同師今其子志於學如此何愛一言嗟 矣汝堅庶幾漆雕子之志子書有之滿招損無受益尚 自足之心室子其中敵乎其前見善而不能知知而不 東里續焦

1金戶四月百言 者皆將輕千里而來告之故日進月長其所得沛乎莫 行個馬背超久而併其所得者喪之矣損熟大馬如持 能入雖有欲以善及之者亦且飲而去矣由是冥馬肆 義之儒有如吾行儉者乎子誠以求之虚以承之後三 憂善之不在已惟恐人之不已告也則有欲以善及人 太學有德義儒者為之師今之歸也文溪武山之間德 之能禦矣益孰大馬勉哉汝堅又當慎擇所從也子居 不足之心恒以不若人為耻以無諸內為戴汲汲馬惟

州又改深州凡衛之政無鉅細必由經歷而泰深二 臨江蕭伯辰事太祖高皇帝為衛經歷事上為泰州知 州皆畿內民衆務殷不與他州等伯辰為之盖上下皆 年遇汝堅必浩乎乘長風凌青雲而高舉哉汝堅勉之 送蕭郎中序

飲之四草全吉 人 東里續集

其所為達於政而得於人者數今深州滿三考書最陞

有忠厚惻怛之誠和平閨敏之資而又行之以勤慎斯

歸其材且良既去則皆思之不忘伯辰儒者明乎理道

優逸多矣而宗伯典禮其優逸加多馬宗伯領西屬惟 習之久宜綽乎有餘矣今年六十餘而進進於榮且逸 之庶務皆上計北京繁於此必簡於彼故南京之官守 南京禮部祠祭郎中國家建两京其官府之制同今外 其姻家大學士金公屬為文贈其行故為書此 如此亦晚節之福哉余聞伯辰有素今歲始避逅北京 祠祭典常祀歲時有事伯辰為其長推其所負蓄且練 送廖子謨序

成也子該懷安民之心有素矣有是心或上而郡府下 之長民也求其安而已惟令於民最近其道易行而功易 ハン・レフ・ラーン・ジュー 德輝之下長而與其父潜仲相好也而子誤從余於翰 翰林庶吉士廖子謨既授賴上知縣告别將之官廖氏 之别能無情乎子謨行念無以助益之則告之日君子 邁方資二三賢俊朝夕聚處以適而子誤遽有數千里 林六年志同而道契矣余素寡合於流俗而今並就衰 之先與余同里卷余少猶及起走其曾大父愚寄先生 東里續集

舒定匹庫全書 **鹿者士君子當然之行非峻絕卓異之事也無非** 其於行則不貪之謂唯君子則必應不應則非君子孔 暇日求前言往行以自益馬豈徒足於百里之治哉 能行於家有不能行於官子顏上俗淳而務簡撫字之 之優柔以將之雖誠未易以格也勉哉子謨子之所脩 而佐貳其心異馬勢猶有所沮此必致誠以格之也誠 可以通天地孚豚魚有不能格人者乎而非譕虛以承 贈胡敬同序

寄君子知義必應應必公公必明而民安政理矣然君 憂人之憂樂人之樂無一毫自私之心小人者反是知 子曰君子喻於義小人喻於利義利君子小人之判也 才提給柔媚屈已趣合而衆率樂之於是有君子而屈 子有其德徑情直道持重不語而衆率忌之小人有其 所不至馬故為天下國家者必擇君子付之以養民之 有已不知有人損人以自益齊人以自肥惟已之肆無 君子居則脩其義於身出則施其義於人盖視人猶已 東里續集

一 致定匹庫全書 戴之如父母後為同官所累司法者不為之辨左遷两 豐城胡較敬同家貧有志節初推第雖得禄以供養外 浙鹽運司同知賢士君子皆枉之而咎司法者敬同既 不自白後數年凡自浙來道浙之仕者有守有為十數 自守不尚取一毫而自用如初第時陞爽州知府孜孜 服用類寒士而怡然自適授兵部主事勤於職務確於 小人而伸者盖係乎所與者之眾寡也其亦係於命乎 以爱民為政其守益確其禄僅給奉養自用益偷而民

惠於民也敬同見枉於司法又未見知於司銓固其命 師一見遂别不能無既於君子也故書此為贈 同有馬敬同於全往還二十年知之有素今考績來京 矣古之君子不以挫於外者而變易其中歲寒之操敬 時亦為脩撰在翰林求同官諸公賦詩贈之又求余序 翰林脩撰建安楊君壽夫致事戒行有日其學者連智 人而譽道敬同者極口不置且恨其不為郡為藩以施 送楊脩撰致事詩序 東里續集

發定匹庫全書 嬉甚樂壽夫逐春秋無書淵源有自明於鉴别平居言 樂辛丑考禮部會試與壽夫同事一見如平生親時車 余聞而數日壽夫之樂成學者與智之不忘其師皆今 飲食之如父母智微先生不有今日願一言以華其歸 智之言曰少之日學于鄉校也實從楊先生先生教誨 論温恭撫下至辨析是非枉直斷斷馬雖賣有不能奪 駕輕郊外鎖院數旬既竣事多暇所與六七人旦夕聚! 所罕見也前二十年余在南京耳熟壽夫名心慕之永| 卷六: CALOUNI LILIA 恃守令之政有所咨過使客之尚賢也有所致禮光潤 歸夫士君子出處進退從客合義固自其志盖必有聖 也宣德中部廷臣舉賢才余與今少師建安楊公同舉 成被光潤今使丹山碧水之間學者得所師善人得所 去也吾蓋為同官惜然念崑岡有璞玉馬山林卉木 成人也預脩宣廟實錄陞脩撰於是其年七十得請而 三人壽夫預馬既至投翰林編脩在館閣七年褒然老 明在上使臣以禮而然後志可遂也壽夫亦榮遇矣其 東里續集

多定四庫全書 宣宗皇帝臨御深惟安民之道詔吏部几布政司按察 玉之首 者皇上嗣統中飭舊章而加嚴馬縣是被命之臣成嗣 所被豈直山林卉木也哉吾又為建安賀遂以書於群 顓不敢以忽几所奏舉十率七八稱得人於時按察使 端厚識達大體能為國為民者如所舉後受財并罰舉 司正貳及府州正闕令京官三的以上奏舉必取無公 送難憲使致事詩序

たこうに かたり 肅除害與利具有成績如在雲南為法教屯兵引水灌 雲南愈憲改廣西入改廣東用少保東莱黄公奏陞四 尤難其選吾太豫章龔錢子諫起科目初雅給事中 郎竹鄉先生之後篤志而清脩耿介而直諒有學術明 川按察使命初下中外所折喜朝廷官人之當於其職 大體當言事過直雖忤不悔所至不尚成嚴而政紀清 且重黄公之明知人也歲餘子諫聲譽益起盖士大夫 公議令憲使之賢子諫表表在甲乙數子諫宋吏部侍 東里編集

動员匹母全書 能界其心哉今年七十有一言於朝乞致事歸天官卿 食時園田無寸尺之益而視舊加損此其人豈貴富之 於十年之久未决者五十餘人皆著人耳目其所建議 督官兵進討擒發稱怒二千餘生繁光渠送京師斬於 里跋涉險遠而水檗之操人益確仕四十餘年貧如家 便民尤多盖其心夙夜在民所歴官或萬里或七八千 都市悉還所掠良民男女數百人四川時釋平人死罪 田歲免夏旱之處廣西叛搖猖獗都司不能制子諫親

涉歷之久且艱竟從之優老之仁也子諫既拜命過余 言錢雖老尚堪事事未應退盖重賢者之去也上念其 前三十年當與道充前一見於吾邑清節書院書院者 獨子諫哉故賦近體詩二章寄久要之情云耳 曰故人能無一言識别乎嗟乎久勞懷逸人人同情何 Karpiol Lilly 邑蕭氏作之以祀其族祖宋子荆先生道充甫蕭氏子 **塉也余見之時財四十瑩然其姿恭然其儀温然其詞** 廷尹道充南逐序 東里續集

| 銀好匹庫全書 黨之間甚者貪猥洪恐無所不至有如道充南吾見盖 時今問居且老執守如一日問以其子監察御史循迎 產也然余竊聞其父旦夕勵之於道者猶倦倦不置鳴 養為此來循起科第任風紀能持身奉職無恭崑岡之 者變為蒼然盖久而後能識也道充南洪武中常舉贤 良為處官於污陽典郡幕於橋李行端操潔有政譽於 也今後避追京師則昔之恭然温然者固在獨其瑩然 呼世之人倖有子弟在當路率憑藉聲勢偃蹇宗族鄉 卷六

歸而日與二三者俊小車往還逍遙觴詠以樂聖朝太 數尚見楊嗣慶先生道余嚮往之意 **習者豈非盛致哉而將有望德星占賢人者亦不在是** 平之澤且使鄉人後進瞻仰老成以與於仁義忠厚之 勘矣道充甫念其先人桑梓之遠違也又將别余南歸

次定四車全書 一人

醫院武之曰能遂以為泰和醫學訓科將歸其所與姻 永樂十年泰和醫學闕官邑大夫舉鄧遷請命于朝太 欽定四庫全書 鄧邑中故家其先宋之時有與舉神童者詩書籍線世 好鴻臚序班蕭子敬求余贈以文盖以余與之同邑也 東里續集卷七 序 送鄧訓科序 楊士奇

楊自立先生德安府同知羅子理先生四川鹽運經歷 奮躍願效用於時吾邑之士翕然雲與而杭州府通判 灼著人耳目皇明統御天下文運不顯四方俊义争先 鄧崇志先生尤以清脩書節著聞時稱為楊羅節鄧氏 隠然名動江鄉之間所以冠冕儒林儀範後進至今灼 不乏人元之時有子方子静两先生惇德碩學雖不仕 而清潔之操炯然相映者盖未當不同馬於今獨崇雅 又有大椿先生崇雅先生相繼而出雖其位崇庫不同

とこううここう 先生歸然而在雖以疾廢然老成典刑尚有以為鄉問 有温厚秀敬之資吾知子之必能慎也夫能慎乎此亦 出乎今遷雖以醫見用於時夫醫聖人之教而人之生 斯文之重可謂鄧氏盛澤者矣况又有如遷者繼踵而 雅先生其為我道網仰之意 足以紹家聲而不忝乎國命矣子必勉之子歸而見崇 死繫馬此其術不可以不慎也子為詩書簪級之裔 送李昌明詩序 東里編集

多定匹母全書 ·薰習而然非鄒魯江漢之人其性獨好儒與游而天下 陶薰習非一日之積為士者皆知所自勉是以他郡之 之為盛盖廬陵人表然者矣其家說詩書人服周孔蓝 之人不能也吾廬陵古楊州之域杜佑稱藝文儒術 由風俗之化故鄒魯之儒風江漢之好游皆其俗漸陶 風俗之能移人尚矣自中人以下為善為不善未有不 久而益盛此豈他邦之人其性有所不能哉惟其俗漸 不及馬然則士生於廬陵幸矣其可不自勉於其身

儀子数過之見手一卷未當釋也亦愛重之未幾目明 哉吾家去郡城不百里聞李伯葵先生兄弟久矣而未 といういとない 序則告之曰夫生于文獻之邦書禮之家入有賢父出 識也水京師見學士解君侍讀胡君道其行義學問為 先生中子昌明道二千里來省其凡温然其資養然其 多今年先生之子昌祺舉進士為庶吉士進學文淵閣 以曠定省告予别而歸且出諸君子所為贈行詩卷求 挺特不群勵操行能文章子固重其有所由矣居數月

東里續集

金好四届全世 文弱紀舉進士出佐百里之治於與寧善政施馬善教 吾邑陳碩望先生持端潔之操題通博之學擅奇偉之 之賢曰此廬陵之産也豈不偉哉 行之本也語日本立而道生勉哉昌明使他日稱昌明 足而不勉諸其身是行也子孝第之心可見矣孝弟者 有善俗薰炎濡染宜子之兄弟英英卓出也然不宜自 行馬既去之二十年民猶至今思先生不忘後謫南徼 送陳碩望先生序

雖武將悍卒皆知先生可貴重不可穀慢聲望益著遠 先生與陳先生兩人在矣郭先生洪武初嘗徵請闕下 先生者德宿學者多己物故或官遊在外惟有郭子益 欽定四庫全書 题 近慕其德義而求其文章者日繼踵于門既還其鄉鄉 樂四年春悉徵天下名信以事禁将先生與馬至則老 而登者愈多矣今上咸和萬方萬志務古禮文之事永 道後學為重從學者有不速數百里而至三年階高科 以目疾罷歸杜門守道非其人不接也陳先生方以改 東上橋井

學者各強恨快如失所憑恃如遂悵張無有所啟發則 來有出於吾鄉德俗而材達功建而澤流者人皆曰此 故也使陳先生歸而盡發所經以為學人志士之資將 君也可以致君治民也可以澤民師道之所成夫追納 後由之則可以善其一身推之則可以善及乎人人事 恒情可量哉益人之學必有師師得然後道明道明然 今開先生之南棘也吾意其散竹鼓舞拜上之賜跗越 矣例得賜環行且有日矣方先生徵詣公車也吾鄉之

ŧ

卷端 **耿定四車全書 一** 林庶吉士歐陽俊嘗學於先生樂先生之歸告朝之大 陳先生所成也是先生雖退不尚有神於時甚博子翰 先王之制刑非所得已也人之生有氣禀清濁厚薄之 夫士作詩送之余先生之外弟也故具述所由以引豁 同風俗然天下至大也生民至衆也有從馬有違馬則 不齊又有習俗之異也故制為教化之法以一道德而 送郭推官序 東里編集

意致訟弗得其平民之弗當于罪此獨何心哉吾友郭 必不可容者假馬哀於而與泉共棄之如其有継於之 疑則日寧失之不經而每歲數降德音戒的司理之臣 以來樣機實肝念生民之命至重也罪之雅于大辟者 已也先王何其爱民之深而制法之備哉我皇上臨御 又制為刑法以警懼之使之去彼而即此盖出乎不得 以欽恤之意尤深切也如此而職司理者猶有不體德 覆奏必至四至五察辭閱實瞭然無疑而於天理人心

改定四軍全書 人 我今彦選後**選其職將以滿其三考也然吾聞之行百** 意下當人心者乎不然何以致交譽之如此也吾與彦 遷上之澤馬有不下完下之情馬有不知所警懼起向 彦選為瓊州推官勤於職累於事達於理敏於斷於是 平詩書替纓之家薰陶之熟也如使天下司理者皆彦 遷游自髫亂以至于今知之有素為人温厚讌慎又出 司派而至天官皆書其續曰能彦還所為非能上體德 滿两考矣三州十三邑之民皆愛服之廣東之藩集二 東里崎集

責善之義既樂頌之又祝規之 問巷皆稱之日孝愛兄弟之子如子推所有以周媚戚 梁氏吾世媚家本之自幼至今寫於事親自父母至於 之矣余與方遷别七年今相見未幾且復别故重朋友 固彦選所當務哉詩曰靡不有初鮮克有終君子盖慎 里者半九十盖謂恒情率怠於垂成而終事之難不可 不致其力也則夫謹官成之戒持終如始以永休譽者 送梁教諭序

次定四軍全書 一 本之得禄近地便好養又違之而遠去行道觀者猶有 之上有七十之母其長子官侍近今扈從在北京獨幸 漢縣教諭縣泰和至納溪五千里川路之險絕天下本 **德觀豈非才德無有者數今以丁外艱起復改瀘州納** 為嘗訓導瑞州府學教諭溧陽縣學两學教久死諸生 在深陽五年積俸廪倡邑人脩廟學之地者煥然增其 之貧者益久不倦擅經學有淵源負剛直之氣勇於有 不自振本之至力作新之自是選科第進者皆接跡矣 東里橋集

樂其親者孝之大節也孳孳乎旦莫起處飲食之奉末 交有功夫渝得其正何往不吉誠不係於其私何往無 其身謹其言行勉馬效諸功業以光承國家之命以榮 功吾且為本之質雖本之志在其親而不在乎已夫敬 所不可必於己者盖無容心也易曰官有渝貞吉出門 得失其各有命孟子曰行止非人所能君子以義安命 事親愛日之誠天理之公也余從而解之日凡人出處 不忍之色而况孝子之心哉故本之遑遑乎斯行者迫

一數夫科賢師而不力於進脩以臻有成其果於自棄而 者尚治於文藝眾則以為可矣求文行本未並舉如吾 父之志旦莫起處飲食之奉有賴也本之之心可以自 矣君子亦務其遠大者哉况有子能致詩書之習水賢 欽定四車全書一天 本之盖寡見也納溪逐方之學者一旦得賢師獨非幸 恩矣然本之誠孝人也士百行莫加於孝世之任教職 納溪之學者故引於諸賢贈言之首 何以仰副朝廷教育大德哉吾既以解本之又欲以勉 東里續集

域萬里之微凡郡縣莫不有學每歲郡縣之學貢其成 材者上於太學率二千人太學之六堂肄業者率數千 學生繇進士發身者多上所親雅內之為給事中御史 有進士之科以簡用太學及郡縣學之生而此年縣太 國家與學用儒之盛古所未有內自都幾外至遐陬絕 六卿之屬外之為縣令郡守有為布政使按察使者所 人學舍至無所容太學生嚴以次歷事諸司而官之又 送周添彰序 **飲定四車全書 一門 添彰升堂拜慶奉鵤介壽足以為親榮退而與告羣居** 官矣拳拳念去其親亟請歸覲馬人之行有大於此哉 慶幸願效用於時况躬被秀民之選承教育之恩者哉 秦姜姜雖雖咯哈於添彰之歸吾三後此詩以致望於 起哉詩曰鳳凰鳴矣于被高岡梧桐生矣于被朝陽奉 之士道聖朝之盛事士有為學而尚志者其不雖然與 郡周添彰自盧陵邑庠生充貢入太學歷事禮部當授 以隆獎儒術何其盛也士生斯世尚有尺寸之具熟不 東里續集

中州遇東拜命而去視其色怡然無不堪之意豈遇東 **盧陵多士馬** 壤軍務之繁尤難於他衛又其四時地氣不常特異於 之心獨異乎常人哉遇東自少讀書鄉校已能持守不 之於幕柳古百粤地去今京師數千里與靈谿猿峒接 事皆起身軍功於此政務設施總其綱視其成而一 經歷幕察之長而衛之幕尤難於他司盖指揮使至愈 送康遇東赴柳州衛經歷詩序 理

欠とり見から 一 然持其志積誠而不已有自勝之理亦在我馬耳余雅 知遇東故其成監察御史王鉉求余文贈之又求能賦 遇衰獨以為當然盖其心異乎常人久矣孔子曰得見 事都察院夙夜敬慎勉勉不懈持潔清愈勵眾迁視之 者繼于下方 而弗濟斯行也吾見其易不見其難也雖其地氣不常 有恒者斯可矣如遇東非有恒者乎夫充是心無所往 東里編集

逐流俗睢盱淟涊以茍利雖窮蹙不少變及來太學歷

金万匹五百言 貞也古之任此職者必得原重明公守道不回者而後 風惡之臣國家耳目所寄綱紀之所由肅百度之所由 正已之道必自無欲無欲則所存者明存者明則所施 道不回而胃馬處之者也夫有正人之責者必先正己 而益危不善者無所憚而益肆盖由其非属重明公守 所憚而格後世風憲或雜匪人而其所至善者無所恃 授之是以風憲之臣所至善者有所恃而安不善者有 送監察御史鲁本清詩序

とこう自から 一人 善嘖嘖吾鄉老長亦恒舉其行事為子弟法四方士君 罰之典加等示懲國家於用人圖治慘惨激勵之如此 然也凡仕者之不能風憲得舉正之風憲有不能於所 十餘年仲述亦三十餘年至今其所過之處人誦道其 士為御史者九人始王子啟而陳仲述繼之子啟沒四 而士猶不知所自重是果何心也哉入國朝吾西昌之 以無欲行道什盖得三四不能者率六七為風憲亦緊 者公而然後有以畏服人也廉耻道隳久矣士之仕能 東里續集

皆期望之曰是必能不忝風憲不忝科弟翰林所出者 本清舉進士為庶吉士於翰林有年今授福建道監察 敷必能不忝王陳二先進及西昌者敷於是侍講學士 御史當之南京本清果毅明敏志於有為鄉薦紳先生 子亦共推此兩人為吾鄉之望不賢而能得此數曾泉 群玉之首 王行儉相率分題賦詩贈之余其所為主者也故引諸 送余通判歸泰和詩序

毎月四月有電

國家仁民之政擇郡邑之吏為要邑視郡尤親於民然 物之心者或局於無施有取衆之才者或堕於無守民 舉世所病剛毅者或失之急異懊者或失之不振有矜 人正写巨 二 東里衛集 素號忠義邦禮讓之俗厚文獻之傳遠近自宋元至國 通乎古今之故悉乎事物之情斯必有及民矣吾泰和 未必被澤也長民者誠本乎仁確乎志明乎理人之道 齊俗化不能不因之移易皇上臨御之三年興化余君 朝之初所得賢長吏歷歷可數三四十年吏之人品不

休之志余君去即邑之百弊皆後後邑人之至京者亦 禮余君之賢比以考績來京告士奇曰余君浩然有歸 守四明陳侯治行為江西十三郡之最其於屬邑獨加 夜胥吏毫末之奸無所容上官勢要一不得干以私素 君和夷質直水檗之操堅若金石而一志保民恪勤夙 叔炫以進賢政滿用績最陛吉安府通判掌泰和縣事 馬安於無事為縣如余君盖於今絕無而僅有者郡太 阿諛險詭把持搖撼之徒成飲迹以避問巷飲畝帖帖

金月中屋石雪

言已皆若有威色無幾余君以親來士奇勉之曰皇上 とこうえ とう 於位也如出一口奈何欲去余君點不應已而引疾白 選擇賢良付君泰和奈何欲去郡候與邑民願君之久 皆言余君浩然有歸志余君去即百里之民皆失所矣 泰和吾故次第其事作詩送之并致有終之祝云 此哉若前史所稱循吏視余君何有問也余君今復歸 心也非余君誠於中積於行何以得上下之重其去如 天官御求退甚固天官卿亦固尼之盖尤知其得民之 東里滴集

多员四届全書 送王教諭之象山序

學效先已冠下筆為文章滔滔也效先學成余亦漸長 教分宜縣學滿三考上京師得握手相勞苦申問問雖 各東西散去不相見二十年今余竊禄近侍效先以佐 王效先當從學海桑先生陳公於予為同門始余事小

是其年五十餘矣則思余之年亦非壯也而學無

然濫士名玷時寵上不能有裨於時下不能措其身

效先論議志意不改於昔時而斑白照映客色枯槁

次定四更全書· 養十餘年不能吐一解此豈其資不及哉盖師道之不 立師道之不立則講學不明講學不明則士不審於起 學校之士往往視其文藝而高下之而其最下者有原 官最其能陞象山教諭夫施於事而有稱受於上而無 於寡過之地念先生之不作撫去日之如流其何能不 何欲振起而作新之必自師道始師道立則講學明講 作余豈能無愧敏然古者學校之教文藝末矣而今論 有動於中哉效先雖栖遲下位是來也有司上其功天 東里鄉集 司

書今之所急務者以告效先亦有以處我乎 藝之末乎往哉效先尚本諸其身乎本立於已而謂有 學明則士之超向定雖欲追蹤古之人為無難而况文 化今時中自為國子生已能領領掛立起才譽至臨民 為政清慎惶悌有及民之惠其民安之後坐累謫交社 永嘉王時中事太祖高皇帝為廣陵華亭丞事上為光 不行於人者否矣效先行求余贈言余重同門之義故 送王知縣致仕詩序

分りしたべき

次定の事人生 致乎今歸故鄉依止桑梓日與家人父子兄弟頌祝聖 任使如時中者鮮矣則所以承被厚恩非由盡已之所 然而典一鄉一邑者求能盡心致力庇利其民以不負 不患無禮患其也不足耳皇上宵开勞勤以安民為務 重勞命以前職致任所以禮待之厚矣儒者有言事君 召還既還朝廷雖知其宜於民然視其貌老氣東不宜 之甥右春坊大學士黃淮時在上左右亦以為言有詔 民老者數十人出三千里副伏請於朝乞還時中時中 東里衛集

處皆静即天民至樂復有過此者乎其行也翰林檢討 廬陵李草堂先生之季子孟燕訓導分宜縣學官湍調 務盡其在已者云 故次第所由來以為先生慶且以告令之為郡邑者宜 潘畿以同邑之好求大夫士為詩送之而以首簡屬余 金りでんと言 世與後生俊秀講論孝弟忠信以厚俗化靈臺熙熙萬 明以伸感荷之意與鄉人長老傷詠酬酢以樂太平之 送李孟讌訓導序

序余雖初識孟無然童丱時侍海桑陳先生入郡城獲 拜草堂先生清偉凝重博學為行近年先生家子石埭 於立師安慶畿內名郡其山川秀厚又余忠宣公過化 先生經明而行脩其在分宜也盖學者忧而歸之夫尊 厚温雅文行表然孟讓為李氏令子弟又當從游海桑 教諭孟昭被召纂脩永樂大典與余同在翰林孟昭端 安慶府學且行大夫士作詩送之吾友胡存淵屬為之 とこりあたいか 之而後善警之而後從自中人以下皆然故建學必重 東里橋集 ナベ

到员四周全世 浩浩穰穰盖自有書契以來篇帙紀載之富未有若此 之地其人宜傷爽識所趨向今又得孟識為之師表率 聖天子龍飛之明年詔翰林之臣脩永樂大典盡出中 父凡之榮也孟讓勉之 而啟迪之安慶之學夫安得無所成乎孟謙之道行固 之盛者矣又明年悉徴天下博聞之士入預暴脩又簡 秘書又廣求天下載籍而統粹之包羅天地囊括古今 送陳雍序

官又有駢蕃之賜夫士遭明時預稽古制作之事而朝 とこうえいた 學之方在致其知識知之不豫則昧厥趣向而無以明 未當一日忘其親屬人必信臨事必慎亦學之力與夫 翔乎聲明文物之會豈非十載盛遇乎而吾西昌之學 下文藝之英濟濟乎成集於京師而出入禁聞日食大 太學都縣學生及秀民之工於書者以職繕寫於是天 其居鄉校也皆當有志乎學雅來京師主吾家雅之心 以能書與於斯者陳雅自貫劉選三子者可為遇矣而 東里續集

廬陵之元氣也忠襄文節皆家吉水其後世至今服詩 **廬陵以忠節名天下楊氏以忠節名廬陵君子曰楊氏** 豈止於是乎今竣事皆歸進士鄧貞王鉉善雍屬余贈 未當知也吾所為重雅而願之如此雅必勉哉子之遇 而不能誠其身雍庶其知之矣乎茍知之而不為之猶 乎善知所趣向矣在勉於脩為為之不力則無所持循 以文故告之以此豈獨告雍亦將以告夫二子者 送宗人思恵序

多户四月全書

陵無辱馬吾家宋之時縣吉水徒泰和皆處部府君之 書東德義未管乏也此豈獨於楊氏先德不辱盖於廬 慎來京師假館授徒以務學問盖於見聞益廣氣韻益 年識今東平太守季琛先生博學謹行有政譽於時今 族不 忘敬爱况其脩諸身見諸事自有可敬爱者前數 後水木本源之心吾未當一日不存也往往遇吉水之 とこう意 又識思惠則季琛從孫惟效從第也温厚秀朗聞疏能 一識惟效舉進士從事憲臺有能名超拜河南憲副繼 東里續集

多定四年全書 盛亦不已也此固思惠盡力學問足以致之思惠將歸 洛無聞或至於毀敗污辱者矣如其本既立後之人又能 暢矣夫有髙明祖父肇之於前又得賢子孫承之於後 家未有不與者然豈可必得古之聖賢有一再世遂荒 來告別余無以益之故書此為贈思惠勉哉 先世固如此使繼令培養灌溉愈益不已將駁駁乎其 加夫培養灌溉之功則枝條敷行益茂而不替思恵之 送張日孜還泰和序

我朝之盛者也其教育有法其責效有程職教有成績 易之資又出於鉅儒先生之門得經學之傳今歲邑令 K STOR CHIEF IN 者率超隊厥位怠廢者必底點罰由是效用於時者出 得命歸且有其知日孜者皆為詩歌送之而屬予為序 吾友張日孜以詩書故閥之裔忠厚數世之積明敏和 於學校常八九馬而士亦以出於學校者為重然天下 夫有國者其與學育賢用心之勤篤三代以還未有若 丞舉之以副教其學第子員而敦遣上京師請命馬既 東里續集

志洗濯淬勵以求不負上德意故受典教之職者以得 多定四年全書 幸者乎於是日孜之歸其所得多矣然吾因之有感馬 論議與宗族朋友里卷之人朝夕相款接好也豈不尤 其居與俊人秀士講道而論德其出與邑大夫相賓主 起者未常不夥於諸邑盖由其風俗之美其人皆能尚 其废為幸然而不出其鄉而有天子之命享官禄之奉 之盛者而古安之盛者泰和其一也實與之歲既然而 之大士之出于學校者莫盛於江西两浙吉安又江西

部公及繼父德安貳守羅公四川藍幕鄧公當時翕然 國家初下建學之詔其時副教泰和縣學者予伯父吏 稱口楊羅鄧盖其表然所自樹務求合於古人者不獨 人こうういこう 學正嚴公楊子初先生又後得御史王公公操行方正 則他行可知已繼三公副教者得仙遊縣簿羅公國子 此士之素分耳其後皆出為顯官而其家皆愈益貧薄 文藝之工而已予常憶伯父初領鄉薦時戲語二公吾 三人者即皆獲一命可不失為庶吏二公同聲應之曰 東里續作

金分四母全書 皆的然可以再範於後進者而今皆不復作矣詩曰高 峻潔屹然人不可干者又後得臨晉令郭公國學錄蕭 公之數君子其文學之正其德義之端雖時有小異要 山仰止景行行止予與日孜何可以忘也又曰伐柯伐 求哉益師者表也表端而影隨必然之理也日孜其尚 柯其則不遠則今日所以副教吾邑之學者何待以他 有取於予言 送鄧主事南歸序

被薄於此也豈由於世求之則出敷抑人固靈於物而 とこううことに 十餘年校藝禮部與陳璉廷器同事比年校藝禮部又 特之才脩潔庶正之資如張子壽余安道者往往出為 獻而北來者連屬於道何其當也其鍾於人為瑰瑋傑 世用然亦鮮矣夫靈氣所鍾人與物均得之非獨厚於 之香禽有五采之环及象犀珠貝之屬填溢海陸歲貢 庾嶺之南大海之濱山川靈淑之氣鍾於物木有千歳 不為世之所取乎自余仕於朝所得勢産之良两人前 東里演集

多定匹母全書 避追節林士齊皆博學擅文負用世之具余間問學之 乎臨照嶺海之人有不仰而快睹瀕而散美者哉其或 **皆要任也功能日者而譽望日起矣今士齊蒙荷國恩 陛天官屬日在家宰左右商論天下賢才俾各宜厥職** 陛憲使四川為國家正風紀於一方士齊自郡博士提 追贈其親方捧命書歸故鄉舉杖黃之禮奎光龍文煥 人才所以鮮遇之故皆莫得而知也廷器自良郡守提 才且賢而匿于下者有不幡然易慮者哉幸際明聖在

ここうら 以贈 非智者所為也試因士齊之行卜之士齊來告別逐書 一求賢若不及之時尚卷而自私區區窮老於 1:37 東里續队 Ē 一隅少

| 到炭匹库全書 東里續集卷七 1

詳校官檢討 羅國俊

中書臣劉源溥覆勘

校對官中書臣艺 鳌 總校官進士臣楊懋珩 於録監生 臣部世俊

欽定四庫全書東里領集卷八 集部 文色四年在 一 欽定四庫全書 於天下易得名於鄉里難况又皆出於鉅公碩儒名德 The second 周氏世有厚德至所敬尤為鄉人所重往時 周教投序 Same (三世 等間の 東里續集 五為文章稱譽其行又傷悼其 一數十人如出一口夫得名

五岁中是 白雪 温雅博學有清才其配陳氏元潮州教授以道之女先 之合奏也而雲萍之跡忽然異處者既二十年近年以 劇切資麗澤之益其志意相得不啻芝願之同氣金石 得教諭成陽縣學改歸善縣學於是考九載之績今得 子員從前國子學録蕭執先生業毛氏詩取鄉貢進士 待制外孫也叔京子以異自幼惇厚力學入邑庠充第 之士是豈聲音笑貌之所能致哉所敬之子叔京謹愿 教授台州府學將别而之官余少時與以異朝夕講學

とこうらしいた 職雖道行於身驗於人有素然君子不以其所能自及 於中乎然離合常事君子不以動其中也君子在立身 未常接盃酒叙契闊於今乃又有千里之别其能不動 也往哉勉馬 有道以不辱其先人而已以異際明盛之時典教導之 今年留養俗翰林止京師半載且數得見坐各有職務 吳遷歸善過鄉匆匆一見其後來朝京師乃不見而去 这嚴繩祖序 東里續焦

一到定四庭全書 中震舉進士為常州推官自是詩書簪級代未當之理 嚴氏五季之末繇金陵徒泰和世以貲甲問右宋慶歷 宗朝肅以正學粹德知名當時宰相馬廷驚江萬里上 其所著易說召除祕閣校勘不受學者稱朴山先生朴 馬而族人之相為姐好加多也故論楊氏世好亦必曰 人者博也具載美文正公揭文安公所為碑誌故論泰 山之子元高安縣尹用父克世其學而忠厚之德及於 和著姓必曰嚴氏而士奇之祖考皆嚴出士奇又辱壻 卷八

久已可自己··· **遠一時與絕祖游者皆為之喜而况於余乎然士不患** 領永樂六年鄉薦今年會試中校官選將赴登州之招 科目者吾始見於繩祖鄉祖名圭自少篤學以邑庠生 之家既情而復起者比比矣而嚴氏之後世復屬志乎 目以賓與賢能天下之士争濯磨以奮於是詩書文物 往往與嘅而况與之有世好者乎皇明統御天下設科 肚詩書文物之盛蕩然不能存什一於千百州間長老 嚴氏然更元季兵亂之後嚴氏嚮時貴產之段居第之 東里續集

者益動弗懈君子之仕如此今絕祖往馬任乎師道之重 金月四月全書 學者之所資也辟諸井馬非其出源源不已何以應無窮 以待夫達而施也既達矣又患夫施之而窮故積而充之 其不達患達而無所施耳故其未達也勤勤馬積而充之 畫乎今子之始達也所與子好者皆拭目以望矣 之求哉孔子曰温故知新可以為師勉哉繩祖其可以 孔脩盧陵世家也其讀書鄉校時余與之相好未幾余 送彭孔脩重慶教授序

飲定四車全書 然也君子之道誠也誠則不息不息則久久則徵始邵 今有重慶教授之行而去益遠矣屬病不能送之而情 去益遠臨別之情益切為文贈之以道朋友之義又十 不可以已也則告之曰君子之於道始終無一息之或 年仍陽鴻三考而來相見之喜加於前也前一再晤語 相見慰喜握手未幾日有邵陽教諭之行余送之蓋相 來京師孔脩送余行不能為情也又三年孔脩來京師 也既久而厭倦生既成而怠忽形恒人之情君子不 東里續集

陽之人有知學者乎子蚤夜率先而化導之邵陽之士 子貢成均者歲不曠選鄉薦者科不乏他色士子望邵 導者不知自力哉重慶蜀大郡詩書文物之俗舊矣士 陽瞪若乎其後矣苴他邑士子其性獨異邵陽乎非化 恒情也子於重慶可不發夜率先化導之如邵陽乎他 廣其俗度越邵陽豈直倍凝哉然謹於難而忽於易者 之登用於時者顯且多職化導於是者為力易而得效 日重慶士子之成有加於前子書最而陛亦豈止此哉

利達固非君子所計盖求盡其在我者耳 送董知州序

族兄仲素在楚州前二年以書抵京師告士帝曰吾謫

居於此生女且笄矣吾謹擇所歸得海州守董侯其之 以無潔忠厚行身而起家無幾可謂勝吾家者也明年 子既許之矣侯四明儒者也以盡已事上以寬恤治下

設定四車全書 政曰候為海州三年矣州之民知有父母不知有有司 友人曾仲濟由海州慕官湍來京師又告余以侯之為 東里緒集

吏曰身脩者官未曾亂也奉職循理亦可以為治世之 典刑不知有守之尊且嚴也亦無不勉於其職今侯以 者之何民獲遂也哉董侯可謂有諸已而及諸人乎詩 則求所以善治其身者鮮矣本之不立則無以見諸用 氣温然盖有以使人喜即而敬服之者司馬子長論循 考績來京師將復還海州余始胥晤馬侯端厚簡重詞 治之也故鮮不遂者州之佐幕以及於其屬知有老成 為吏持法令刑罰以懼民者多矣有不務乎法令刑罰

皇上奉天恤民成夜拳拳惟恐一夫不在化育之內單 賦者為詩送之又求余叙於是乎言 **哉國家命田氏以思州思南綏撫之寄其後世承其職** 霈恩澤際天所獲一視同仁而 孔去京師數千里之近 へい アー・・・・・ 决去之而援斯民於焚淨之中析其地為郡若州置貴 者反籍以属民豺虎噬之無厭也顫善數諭弗俊然後 口豈 弟君子民之父母董侯其近之哉侯歸仲濟求能 送陳正言序 東里衛作 E

一多定四庫全書 寄而皆上所親權於是陳禮正言縣進士授知府盖特 州布政司以總之簡賢而有才能者任之收守撫字之 見而其出於文獻之家有繼承之責者亦欲效諸功業 濡絕教作養於平素以克成其器能者固望一試以自 恩亦隆委也夫國家孳藥與賢育才職以為民士之涵 以昌大其世也陳氏西昌世科之家自宋以來舉於鄉 子員歷數十年以至賜進士出身則夫東忠孝之志欲 及對於廷者歷六十餘人以至正言而正言自己學弟 ×

Caronial Later 1 吾友郭彦選為瓊州府推官别去七年今年胥晤京師 吾故於别也望之切焉 守在求民之情而致之安也曾子曰民之所好好之民 正言其惟母忘聖天子親權之意正言先宜人族孫也 之要道端諸已而行之無不達之政不安之民者勉哉 之所惡惡之孟子曰所欲與之聚之所惡勿施此安民 有所自見以仰答恩遇光紹家世者不在斯行乎夫郡 贈彭宗稅序 東里續集

一多玩四年書 盍為我文以路之固宗就所願也又曰其為醫如良將 將貨報之邪非宗稅所重且貨其素用以齊乎人者子 **瑜微宗統吾與子復有今日聚晤邪然吾未有以報也** 數往來北流知宗稅為醫多奇效獨信其說施數劑以 稅者獨持不可曰是證於法宜雄附眾販之無和者余 惟其容色默然稿**悴有異乎告者彦遷曰西渡海北行** 用兵不拘古法而多成功其存心惠濟如飢渇之於飲 以病止北流久益国聚醫環視之將投以寒劑有彭宗

食人以疾病告者無貴賤富貧皆與善藥既良濟賣富 有重輕意或察其貧不克振又與之以對盖不獨於其 者報之腹貧者或不能報宗就遇之終不以其報與否 というられたいま 者必為之盡自余行領海問十數年所遇如宗稅者盖 鄉然也几行道之出於北流者無不皆然而四方縉紳 勘矣吾聞彦還言為之數曰告宋清有及人之心徒以 君子過是色者聞其為人必至其廬宗統所以敬禮之 居善樂佐醫治病不責報而為之有道也卒以是致富 東里續集

金好四月至書 此固宜為之文也然嶺海之間其山川靈秀發而為珠 稅有清之心而術固過之及人之功宜博也又聞宗稅 非若宗稅之善於醫也而柳子厚為文致其不朽今宗 豈無関博明智忠信仁學之士生乎其間世雖未之知 璣珊明丹砂翡翠百珍之物不可舜紀則夫鍾之於人 吾廬陵之産也吾鄉之人去於外克自立不忝有耀若 也宗稅處此久亦嘗有所遇乎因彦遷試訊之也

以乞四軍全書 東里橋集 宣之寄總數十府州之治而環數千里之民惟其言之 榮之以為宜也嗚呼士當太平無事之日出膺方伯旬 為給事中端其所存動其所務在職將滿三考坦坦如 參政守仁疏達而恭慎磊落而和易繇太學生上親權 陽史壽守仁侍監國在南京召至以為廣東布政司左 詔大臣舉近臣及京官之材而良者時更科給事中溧 永樂十六年三月行在吏部奏各布政司按察司官闕 日人皆譽之以為才且良也及今拜廣東之命又皆

豈易哉一民不得其情及一州一邑不得其寧承宣者 海雜蛋獠而處鄉殊習而邑異尚而欲人人皆得其情 聽而不敢倍馬豈非榮哉然廣東為南方大藩連山跨 此守仁今遭時得位舉而指之其可以已乎詩曰夙夜 **邇不可以獨比遠不可以忽忘也古之為大臣其道如** 之責也故量欲無不容也施欲無或偏也欲明而决也 其之官也給事中任守禮重同寅之義屬贈以言余於 匪懈又曰敬之敬之守仁必有以副寵命而慰民望哉

實有諸已也彼其尋常碌碌者問學不完乎聖賢言行 10.10.11 歲積年塌然如被濕之異欲舉而不能者此非無諸已 國家選士惟其材德之實耳果材德矣核之斯須之項 守仁亦非交游一朝之好故害此為贈 用之不次之任盖未有知而不用用而不速者惟士之 不循於道德而日延頸企踵以望一見用於時卒之曠 而然乎無諸已而不內省以求之而往往該日有命是 贈尹同知之任序 東里崎乐 土

書不同流俗有譽於鄉矣及其以貢入太學聖天子隆 友尹自道自其為邑學弟子員已能敬慎言行潜心詩 孔孟是已無諸已而無所遇者理也君子不謂命也吾 自誣矣盖充乎已而無所遇於時者命也古之君子如 者以職繕寫自道雖始至國子先生已重之遂舉應詔 **泉說而精擇之以垂教萬世人語選太學生端怒有學** 四書五經之道及古聖賢性理之旨詔翰林儒臣博考 **既入翰林自學士以下皆重之書成詔吏部太學生悉**

一致定匹庫全書

第其高下授之官而考策自道衰然高等奏授正五品 たこううここう 道邈然如不可及咯然如有所喪馬孔子曰不悲莫已 **澂江府同知盖自道縣入太學以至授官裁蔵餘耳士** 為士欲見諸用亦惟力諸已馬耳力諸已而充將無時 起而取之者矣惟珷玞魚目雖置諸其側有不之顧故 知求為可知也珠玉潜乎山川之深其光彩煥發必有 幸遇而有先自道充貢十數年猶未得出身者盖望自 君子有知自道者皆惟喜慶告以為公選之明非其所 東里橋茶

育开拳拳圖惟安利之是以必擇賢者任之司收有如 往馬治之不以其道使之不逐其生有負聖朝簡賢子民 在雲南萬里固職方之内也其民固朝廷亦子也皇上 之謂民之父母自道勉旃吾於自道有世契故既喜其 所望於自道也傳曰民之所好好之民之所惡惡之此 之盛心以取譏累者吾知自道所必不為亦非士君子 之官來告別且求贈言嗟乎吾何以贈自道哉澂江雖 而不達而况遇聖明急賢公選之盛際乎於是自道將

到戶四库全書

用又願乎其成也逐書以贈 送史主事序

揭文安公高文與學清德重望著在天下其他芳聞寫 豫章之豐城為江右文獻之邦二百年來熊天慵先生

行養高邱獎韜卷而不出者加多至於今其流風餘韻 延被後人彬彬乎盛也豫章廬陵壤地相近文獻相望

余常數過豐城賴以事牵不得機丹訪遺老求昔賢遺

火色习事全号 | 事以快景仰之意而丰間寶氣固時時在望也來京師 東里續集

金人口月八十二 德碩望者皆重之而與余往還人且熟矣豐城固多賢 初官豐城遂留家馬其先世盛徳茂熟耀當時開後世 揭諸公者乎吾又聞史氏世家北方志静之大父洪武 乎哉孔子稱子販必本魯之君子吾安得不與懷於熊 敏於文學達於政治自其上官及同列皆資之朝之名 安志静舉進士為禮部主事為人資禀明秀外和內莊 事或以德行要之循良謹愿而有守者什率七八馬史 二十年豐城之士官于朝者多識之或以文學或以政

少足四草全年日 東里衛先 慕子外者不願馬何也事大而位甲力動而效遠禄寡 學校為政之首務而教官非通學明道有以樂平中不 珪璧瑚璉之質志静之得於其家固自有在哉於是論 載當考績赴北京士友求余文以贈其行故推本而言 者累累矣大出徂來者必提持干雲之材産崑問者必 人之賢否髙下謂不係乎其鄉其世者鮮矣今居官六 送康孔高之景陵教諭詩序

籍两教永之屬邑永接壤夷僚所居漸習爲俗孔高處 至 テロアノニー 之裕如也又教大理在雲南萬里之外欣欣獨往無幾 孔高英邁傑特其火能自列勵學問既壯選鄉貢登仕 明道有以樂乎中不慕乎外者而後願之也吾友康君 有待於外無所蓄於已故弗徵於人乎故教官必通學 終其去其效不者其責愈益重矣非其無所樂於中故 其俗薄惡其人頑鄙在已者又不足以振起作新之則 而責重故除命一下則皆茫然如失所憑或所得之地 起ハ

益深則將推以成於人者愈益多也非但景陵而已又可為 微不自得之意至今水州两邑與大理之學者皆戴服 陵縣其 所成於人者益多可為景陵學者質也然景陵 孔高之有成未成者亦皆慕戀孔高以不得卒業為憾 遠淡孔髙往馬假歲月之久蓄於已者益富樂於中者 在文王風化所被江漢之地無永州之器俗無大理之 非孔高有所蓄於已有所樂於中者乎今又得教諭景 孔高質也士友為詩贈其行者余故引諸卷端 東里濟集

一致定匹庫全書 之盡其禮有一違禮則今為不能今之能不能譽毀以 令余素志於此而不可以求得然當思之為令不易而 官也求余贈言夫士可以及民且聲譽易致者莫若縣 **五余校文禮部時所選奏進士今得湖廣興寧令其之** 月池彭氏故吾邑詩書家世於楊有連學脩又永樂辛 為今之今尤不易凡其民老弱貧病皆欲處之得其所 有一失所則令為不能儿上官無賢愚智不肖皆欲事 送彭學脩之與寧知縣詩序

民之類四而士居其一士之所治者詩書所蹈者仁義 堂之深也吾繼今侧耳以遲子之聲聞學脩勉之 為者勉哉學脩余既贈學脩此言又贅以詩者愛之至 則暴與列無自而作停廉與恕而行之以慎令亦無難 父之爱其子本於天性爱之必教之教之必以其所尚 已莫先於廉廉則公與明由此以出及人莫加於恕恕 而陛熟所由定也令可以易為哉勉哉學脩君子持 送王伯瞻歸西昌序

とこうえこう

東里續集

盂

故有能勉勉敬承其父之志確然不失其所自重卒於 其志者馬父窮力極意以望其子之有立也而或氣禀 於今殆十得一二而已然十之一二之間又有不能如 所賤而輕者利馬耳然世之所鶩率在於利故爱其子 家治詩書人蹈仁義既久而風俗不能無火遷易西昌 之不及加之習俗所牽愈超愈下卒無以成賢父之志 而教之士盖非有超然之識卓然之志者不能以吾觀 有立者盖吾於今百得一二馬吉安為江南都魯邦也

多定匹库全書

狄色四草全 表裹之間底于有成也王氏父子之良非吾所云今百 先導之盖盡子教養之方矣敏能謹謹服膺見諸言行 **習不使押消於流俗擇明師良友諭之輔之而躬行以** 歐陽的求余文贈之余欲鄉之為父者皆如伯膽之善 伯瞻賢乎哉銨今舉進士為監察御史迎伯瞻就養京 之一二見者乎孔子曰魯無君子斯馬取斯重所本也 王伯瞻其志獨出乎泉人之表爱其子鉉自少謹其所 師既至不數月伯瞻重老母之養也將還西昌太學生 東里續集

白ラロルノニー 深林大谷之間故凡匠氏為室屋求梁柱之材者必去 教其子為子者皆如鉉之敬承賢父之教而有立也於 孝弟忠信禮義之門故孝弟忠信禮義之門亦為士者 被而之此若士之惇徳属行負濟世之具者固多出乎 百圍之木干雲之植不産於價路之側常叢生於高山 是乎言 之髙山深林大谷也而欲得士之用者必於此馬求之 送羅子瑄詩序

常千餘指偷偷然樂也至於君襲先世之遺温良而寬 **旌表其家曰孝義君之祖庭芳一門五世聚居共墨盖** 恂恂然又通練果教有過於人者此其美非由生於孝 裕居家善事其親處其兄弟五人極於友爱與鄉人處 其行能可用羅故邑大姓世積厚德寫倫理元之時當 之共治乃洪武甲戌年山東部使者薦吾邑羅君子瑄 功統天大孝高皇帝既有天下旁求天下材德之士與 則無有不如其意我太祖聖神文武欽明啟運俊德成

火已习更合号 !!

東里續集

さ

金云下五百三十 弟忠信禮義之門是以卒不能免於求者之至乎子瑄 導其比問族黨之人與其人之子弟使皆勉於孝弟 有政是亦為政岩子瑄之去歸其鄉益持其所長以化 願欲豈獨於吾子瑄之意而抑之哉孔子不云乎施於 方外天地之德以治于天下將使天下無一人不得所 所長見於用而不計其遂去而重以為惜者予謂陛下 之四年乃援例得請而歸士之知子瑄者皆望其必以 既入京師試將命於四方上下交稱為能今陛下御 極

STRUCT STRUCT 管知蕭山縣有惠政蕭山之民至今思之今為歸善」 年推第為庶吉士在翰林與余聚處獨數言其友歸善 吾友王詢謨端厚和易慎交與不肯尋常有所稱說今 瑄請書子之說於簡首以為序 用哉於是士之聞予言者皆躍躍以喜而賦詩送之子 信之行者固陛下之所望也又宣必居位食禄而後為 知縣彭彦賓可以為良吏其言曰彭故廬陵世家彦賓 送彭知縣復任序 東里續集 <u>た</u>

金丘四庫全書 年矣其政如蕭山其民安之彦實學通於古今智明於 考最將歸詢誤求言送之治民之道養與教而已民有 恂馬出言恒依於道殆所謂有諸中而形諸外者乎既 維居無幾彦賓以考績至京師因詢謨得胥晤彦賓恂 教諭歸善縣學私竊喜其與學所資有賢大夫為之綱 御史近臣巡治衛南還說歸善之政皆以為無失業之 歷淡其持已有道爱民有誠也可以為難矣余亦數聞 民者余以是益信彦賓為不易得時余外凡周以巽方

養則遂有教則善而後庶幾可使也彦賓知愛其民宜 久公司是 Aid 成古之人有言顧力行何如耳彦賓歸見以異為我謝 夕成也今彦賓還歸善假之歲月盡誠以道之未必無 於從令難於從令則將有不可制民至於不可制無所 無有不遂者然安知不猶有未善者乎民不知善則難 教之所從出而政之所由成也 馬夫邑得賢令又得賢教官學校有不大與者乎學校 不至矣如此欲求名為良吏可得哉夫教固非可以朝 東里續集 九

萬安郭士道以仁厚之心明達之才剛毅之氣起科第 多员四届全書 賢之令大臣薦之雅為順天知府四月初吉告行於素 官處跼蹐之地無知已之應言不見信志不得行士道 序馬余惟士道自行人之職以至今凡經幾嚴歷外幾 敖歷中外人皆知其直道而行也永樂二年朝廷下求 之不遇亦久矣而今幸遭國家太平之運公道著明賢 知者於是各為歌詩以致願祝之意而以首簡屬余 送郭知府序

類色達於此時得千里之地而為之守遂展其所監豈 軍恩起其萎濡其稿矣而又奉奉簡賢如士道者為之 北京諸郡之民奔走供給之役而順天尤甚聖天子既 非士道之榮遇哉夫順天北京內郡也數年王師舉義 とこうきんご 丁 順天有賢守而其民泰然相安於温飽無事之地則諸 其所惡將無不得其所者此宜獨士道之崇遇盖亦順 守使其民獲承豈悌之化沭忠爱之德得其所好而去 天之民之榮遇也且順天北京諸郡之表使號於衆日 東里納集

好贈之以文矣余與悼的生同邑方其總角游鄉校時 雪出都門汝數千里之官于西夏學士解公重鄉郡之 吾友王宣悼的既拜慶府紀善之命將别其故人衝水 金好四月全十一 以贈 者哉若是者亦士道之行有以及之也勉旃士道請書 立於下風而不知與起淬礪以致其民皆如順天之民 郡之守雖有不如士道之賢而少知自好者其首靡然 送王紀善序 卷八

火色的野白野一 然如無不足者乃夙夜益自飭勵若恐有怠其職者倬 子禮處朋友重信義亦不肯尚有所處猶不肯取於利 無疏威皆能盡敬愛居鄉從先生長者游能謹謹執弟 離別之情哉然吾觀倬昭居家孝於親友於兄弟宗族 士以充輔導而於倬昭有取馬可謂真知人矣夫人之 昭可謂能自持矣方令朝廷隆親親之義咨求端潔之 其出而仕也雖局從下位禄入不足自給而其中恒泰 余已識之愛之忘年與之交至于今豈獨無一言以寫 東里續集

废同列也尚其志有不合馬言不能相入道不能相資 之著亦與有聞於天下者乎悼昭勉之余且為子賀矣 孝仁義之懿詩書禮樂之事倬昭其將不因賢王盛德 往就陪輔之列從容旦夕上之所咨下之所進無非忠 相資加甚矣慶府賢王忠孝性成好賢樂道雖漢東平 也况里之於尊賤之於貴其志有不合馬其不能相入 雖別固無足道也 河問不足過蓋天下所於知也以倬的所自持若此而

金月巴尼石量

余始至京師識士後於薦紳大夫之座蓋相與談論而 送錢士優廣西黎政序

盡亦屢有聞馬後陛安慶知府往來者率謂士後奉法 知其文學時為秋官屬其哀於惻怛之意見諸設施賛

詩曰愷悌君子士徒有馬今陛左恭政廣西為大藩之 之雖久不忘又遷江西之廣信其施政得民亦如安慶 循理有愛民之實脩壞與廢得為治之體其去也民思

人工司奉之后 人 元佐得以行其志而及於人者亦廣矣夫為郡而治千 東里衛集

金月四月百十 者以為近而聚遠遠者舉斯其近無不舉者矣周公論 **固已難矣而况演乎窮山絕谷夷撩之區哉故善為治** 里之地其民之情吾耳目易及也進而處乎十數郡之 廣也因秋官正董廉恭求贈以文於是乎言 以無愧馬余於士復二十餘年之傷竊願其所及人者 上董治乎千數百里之地其民之情欲吾耳目咸及之 大臣之事亦曰不遐遺盖遠近無或違而後吾之職可

炎とり早から! 刑部即中獨孙樂善與子少同邑里同孙貧學成而仕 此樂善所有而予之所無也徒崇秩厚禄旅進而旅退 勤不少問又屡奉使命道山川萬里之險以效其臣職 同朝同自守不敢圖尚得於義外若職務叢脞蚤莫恭 **歎其積累仕之貧而遽歸休將奚以為卒戚之計夫士** 而去又余之所素願而未得者也然世之知樂善者方 之所有而樂善所無也樂善少予六歲一旦引疾解禄 上無神於國下無益於民以不能追素飡之譏者此余 東里編集

金为以及台灣 採芳酌清望南山之白雲而歌考縣之詩一切歷慮不 作詩送之故書余說為之序 閣之上玉堂學士大夫重樂善之歸取幸蕪州詩分韻 得以干其靈臺丹府以為遲莫之適也樂善其俟我快 幸家恩罷歸當與樂善黎杖棕笠日消搖龍洲鷗渚之間 **必為之私憂過計哉吾惟自念今老病日加不能自奮** 君子俯仰無作進退有道足以自裕貧非所恤矣亦何 東里續集卷八